


痘科鍵刪正補注

下地

十部  
505  
5





門七武  
卷五  
五



痘科鍵下卷目錄

發熱三日口訣 發熱三日程法 發熱加減

見點三日口訣 見點三日程法 見點加減

起脹三日口訣 起脹三日程法 起脹加減

灌膿三日口訣 灌膿三日程法 灌膿加減

結靨三日口訣 結靨三日程法 結靨加減

落痂餘毒口訣 落痂餘毒程法 落痂餘毒加減

金鏡賦 節制賦 指南賦 始熱 放苗 發秀

成實 結靨 落痂 藥性總言 藥性便覽

附方 程方七方歌 保胎活命飲 圓機章







毒重則熱重。又有熱五六日，出者有熱一日，即出者。太過則正不勝邪。謂熱一日。愆期則氣血凝滯。謂熱五六日。出者唯三四日，身涼痘出者為正。

凡發熱溫平，肌膚潮潤，脣舌滋潤，無苔，聲音清亮，睡中微微驚，便食如故，或少食貪睡，皆吉兆也。重則反是。

一發熱即脣裂舌炕，煩燥狂亂，口渴惡寒，兩耳灼熱，兩睛紅，二便秘。所謂積熱之症也。本方內加玄明粉，或千里馬下之惡熱者，單下。承氣湯之類。以苔減為度，不可拘在初當發之說。此又百中一二，不可執以為常如脣

舌滋潤，雖見急症，切忌妄下殺人。

發熱時腹痛腰痛，四肢酸痛，皆重症。表過痛止者吉。

敗毒和中散加大黃之類。補丹臺玉案表上有若字。痛加甚者凶。

發熱時吐瀉，切不可行止法。惟嘔瀉酸臭，可加消導。

藥佐之。本方加神曲麥芽山查子之類。蓋由于傷食也。

驚發痘前者吉，何也？驚屬陽症，痘屬陰症。陽被陰冲，

則壅遏之害息。故吉。經曰：陰病發陽者死。照本方加減。

治之。惺惺散加蟬退全蝎之類。母服驚藥，若誤服而冰伏其毒，釀

禍非淺。亦有一驚即死者，此必中惡。補病源候論曰：中惡者是人精

神衰弱為鬼神。發熱時譫語癡狂，見鬼見神，燥亂不



寧是熱盛失表外邪內毒兩相搏激也重發之則愈

舌見黃苔非下不可補丹臺玉案發熱之時以下分為別條

凡臟腑鬱毒非微汗則不解故一發熱必用汗藥也

升麻葛根湯加減升麻湯之類補胡大卿曰治痘有云非微汗則表不解非微利則裏不解曰微者恐其

過身熱四五日不退者知毒猶在內務要使之盡退

為佳一發熱頭面中有大痘數點餘痘不出復不除

熱此名報痘須急剔破不則虧敗正氣補報痘詳于續痘科辨要

初發熱頭溫足冷不渴便澹面脫白色或瀉利水穀

補丹臺玉案水作清嘔食不化此虛症也治從虛例加減益氣湯參苓白

術散之類補丹臺玉案一發熱頭面中以下分為別條

凡發熱時燈照肉中隱隱有紫紅塊者重補金鏡錄曰三日痘

窠全不起紅腫如凡君莫治面紅唇白者亦重再見形色不善死

可必矣九竅血者死補血上目閉無魂舌黑聲啞胸

高而突此皆死症不治

發熱三日程法

加減升麻湯 無論痘與非痘但見嬰兒身熱呵欠

煩悶睡中驚悸噫噴眼澁鼻出氣粗手足酸軟即

宜與服有襍症再兼襍症藥治之

升麻 乾葛 芍藥 甘草 前胡 紫蘇

當歸 連翹 桔梗



水一鍾半。薑三片。葱白三寸。煎服。取微汗。為度。如有汗。當以小劑。疎發之。

發熱加減

身熱壯甚。腹膨脹喘懣。加麻黃。驚搐時發。加水通生地。煩渴。加天花粉。麥門冬。調滿天秋一二錢。溺血。加犀角。山梔仁。便血。加桃仁。黃連。溺短澁。加水通車前。腹皮。秘結。加枳殼。倍當歸。秘結喘懣。壯熱煩燥。面目浮腫。脣燥舌苔甚。則身反惡寒。四肢逆冷。加千里馬。失血乾嘔。加芩連。犀角。泄瀉。加猪苓。澤瀉。譫語狂亂。加石羔。知母。調滿天秋。

喉痛。加牛蒡子。玄參。荆芥。咳嗽。加杏仁。桑白皮。

傷食。腹膨。嘔瀉。酸臭。加山查。厚朴。神麴。麥芽。氣滯。

腹痛。加青皮。玄胡。腰痛。加羌活。防風。

婦人經行。加生地。川芎。不期而行。再加熟地。熱見。

愁。經行暴啞。加人參。生地。麥冬。在後。可加升麻。同。

用。經水適斷。有譫妄等症。加羌活。柴胡。下熱見愁。

秘加千里馬

右項皆表裏實症。加減法。救苦丹。亦在此例。

凡一發熱。悉頭溫足冷。不渴。便澹。面色晄白。或瀉利。

青穀。嘔食不化。兼身熱呵欠等症。乃氣虛也。宜益氣。



湯加減治之

加減益氣湯 此為元氣虛弱者立辨症果真則前後皆不可易中間雜症雖或不同要皆氣虛所致治以本方斟酌加減庶不失宜其中節次一一開後如非表虛黃耆切不可用

黃耆 沙參一日後 甘草 當歸 川芎五日後

白朮 陳皮 升麻酒洗 桔梗

水一鍾半薑一片煎服取煖為度

虛症發熱加減補案此六字與六節內他項之例不合故刪

停滯腹痛或瀉酸臭加山查麴藥不停滯加乾薑芍

藥 驚悸加天麻釣藤磨安神丸同服 吐嘔加煨

乾薑去桔梗 泄瀉不已去當歸加肉荳蔻或調銀

鎖匙服 四肢冷加乾薑肉桂 有汗去升麻桔梗

加肉桂倍黃耆

產後出痘加赤地白芍藥木香肉桂補赤當 腹痛

加黑神散微下之補方見于痘經會成

三日四日痘當出齊如出不快肌膚穞穞然毛豎粟

起補音 穞者正韻音 加肉桂白芷去升麻 溺澁加赤白

茯苓 嘔甚再加丁香 虛煩作渴加麥冬五味子

不思飲食加神麴 ○有前雜症亦從前藥治之



五日六日候當長如起不快或皮薄易破色不紅

倍參耆加肉桂白芷人乳好酒真虛症當從此議

四肢不起加桂枝防風咳嗽加麥冬五味子灌

水泡倍白朮加防風白芷芍藥作癢亦然癢甚外用

猪鬃扎小帚輕輕搨之補鬃者韻會馬鬃也扎者正韻拔也搨者博雅塗也言以

按猪頸毛帚輕摩之也或行燻法亦可有前雜症照前法加

減用之七日八日乃灌膿時也如停漿不灌血色淡白或灌

清水加白芷肉桂木香元米酒乳亦當用補元恐元誤猶元米

酒曰有雜症即從前藥加減之

痘至七八日寒戰泄瀉灰白癢塌皆不能免一見此

症急以木香散異攻散出入用之如膿色一足唇舌

轉紅又須吐去惟照本方加茯苓以助收斂耳拘滯

之士徒行溫補一偏之術也

大都虛症而反見腹脹喘急便秘而渴咽痛煩燥皆

病淺藥深之過腹脹喘急枳殼湯主之便秘而渴麥

冬湯主之咽痛煩燥滋陰潤燥湯主之雖然此亦虛

症變實非真實也倘不察而妄行疎利之劑則方生

之氣又將轉而虛脫矣慎之慎之○九日十日亦惟

本方加苓芍有雜症照前雜症加減之至曆後癰



毒等症。又當照後程法參用。

夫痘有純虛者有純實者有先實後虛者有先虛而

復轉實者。補復恐後誤如前益氣湯症純虛症也故始終

不移雖有增減要皆補益氣血為主凡有是症必以

此法治之升麻升麻葛根湯十神十神湯解等湯切不可用

或問曰加減益氣雖虛症所急需然首尾不易得毋

固乎。補論語子罕篇曰子絕四母意且參者皆峻補

之劑何宜妄行若此予曰不然脣舌用藥之訣也能

識脣舌紅白而進退之多用可也常用可也即不用

亦可也何妄之有

升陽散鬱

毒盛而氣實者查本有防風

補查者正字通考察

也。案查本以下五字疑注文。

升麻錢一乾葛錢一白芷分八川芎分八甘草分五蔥白引

升陽導壅 熱毒壅于胃而致驚狂嘔吐夾斑夾疹

者陽明表藥

升麻錢一乾葛錢一白芷分五紫蘓分六陳皮分五

甘草分五白芍分八黃芩分六蔥白引

升陽舉陷 溼毒下陷于脾而致腰疼腹痛者瀉泄

者太陰表藥并痘後腹痛

升麻錢二川芎錢一柴胡分八白芷分五甘草分四薑棗引腰



疹加行溼藥如防已苾仁澤瀉輩

麻黃葛根湯 治毒滯于肌肉無內症者可用

麻黃錢二葛根五分白芍八分甘草四分黃芩六分 薑棗

煎服

升陽補中 灰白氣虛表裏不實痘出不振乃中氣

不實不能載毒外達也

黃耆錢一人參五分白朮五分當歸半錢陳皮五分柴胡錢一

升麻錢一甘草三分 薑棗煎服

升陽攻下 凡積熱內盛面目浮腫氣喘聲粗舌上

生苔毛焦皮燥肌膚大熱甚則舌炕脣裂二便秘

溼身反惡寒者一熱即下之若失下及竟于升散

三日內死矣

麻黃錢二升麻錢一乾葛錢一防風七分川芎七分白芷五分大

黃錢三朴硝錢二黃芩錢一梔子錢一木通五分

惡寒雙解加蔥引惡熱單下麻黃減半之下後若

裏症已寬但肌熱不解或瀉不止或痘不顯并繼

以升散法下後內外皆清痘又鬆快升散清解皆

忌之

升陽發表 風寒外襲肌熱無汗頭痛惡寒兼有太

陽症者于升陽散鬱中加防風羌活重者加麻黃

豆斗建別三病在案下 見藥三百口訣



紫蘇薑蔥出汗

蘇黃湯 蘇黃 錢二 子米行分五 杏仁六 甘草五

薑蔥水煎出汗補案。子米行者未詳。古書或作桂枝。或作桑白皮。或作石膏。或曰永

世醫談。子米行者。麻杏桂甘是也。由此考之。子米行者。麻黃湯之異名。誤錯出于此。而脫桂枝二字。姑存疑。以待後學者。

升陽散火 素有火鬱 腮頰常紅 手足心常非血熱

毒盛而痘有鋪紅者

升麻 乾葛 柴胡 獨活 羌活 防風

甘草 白芍 各五分 人參 前胡 各三分

見點三日訣補訣上 脫口字

見點三日生死判矣。曰死曰生。而斷于此時。方稱高

手。補續漢書曰。東平王蒼到國病。其關竅全在面部。

補遺。太醫丞將高。手醫視病。通津而強。筋骨利。關竅也。所以面者諸真之會。痘疹要

面諸陽所會也。天庭印堂。尤面部最吃緊處。補丹臺玉案。有

柄。何者。元神所歸也。元神者。元氣也。一。小兒出痘。不

十字。尤字行。吃緊者。俗語。猶言緊要也。

過氣血毒三字補字當 氣血又元氣所統。元氣勝毒。

開落應期。毒勝元氣。內攻外剝。補丹臺玉案。有。毒既

復勝哉。故。此處先見先起。先灌先壓。其密而瘁。慘而

十三字。故。此處先見先起。先灌先壓。其密而瘁。慘而

黧者。皆死症也。

凡見點磊落。補後漢書蔡邕傳曰。連衡者。摸過礙手。

方印磊落。合從者。駢組流離。摸過礙手。

字。連衡者。摸過礙手。



色潤澤。眼部以下先見。身熱漸退。吉症也。蓋磊落礙手。稀而有神者也。色見潤澤。謂有彩也。天庭後見。元氣內固也。補丹臺玉案有反是者逆四字。

痘初出時。凡三五相連者。必密。單見形者。稀。毒之淺深。于此亦可預決。

形屬氣。色屬血。兩者均可驗吉凶。決生死。人何專言血。而不及氣。氣無形。難知。血有色。易見。故見點三日。色如猪肝者。死。如紅米飯者。死。如洗過舊紅絀者。甚重也。洗過舊紅絀者。謂淡紅而無光澤也。雖然。面部有數十顆。有神彩者。亦可救。家君嘗曰。不慮形。惡慮無神。不慮色。惡慮

無彩。神綻而凸。彩潤而明。惡痘中見。有一二紅活可愛。雖凶。可治。何者。元氣猶存也。所謂天庭。一二窠。悅目可愛者也。

大都自眉以上。有幾點。悅目可愛。又不瑣屑。不歪斜。雖遍體稠密。雜症百出。終不至死。悅目二字。筆舌難狀。學者意會可也。

見點頭焦。而色或紫者。血分毒熾也。本方加滿天秋。治之。屑燥舌苔。用熱見愁。黃苔起者。用千里馬。蓋焦紫。雖血熱。而未必不內熱也。補丹臺玉案。審之以舌內上有由字。藥斯當矣。

見點白。如水珠者。重。若雖白。而稀疎不密。肌色素黃。



痘能起發氣至而血不至也當散火為主連翹升麻湯之類

倘神不內寧痘日增多頭空作痲子形補丹臺玉案空作尖毒

太盛也恐非藥所可愈

一見點色白不紅不可便作虛治白而無神謂如粉如枯

骨者脣舌淡白或吐或瀉虛症也若白起既色脣舌

赤紅非虛也補丹臺玉案有是伏火痘也五字三日後當漸變紅紫

倘作虛治誤人不淺見點脚冰冷者不必慮氣未下行也

出兩日而大便秘舌無苔乃血熱非毒壅也急宜清

解加枳殼明粉治之如灌膿時咽痛作瀉而不起宜

多用歸芎

補案如灌膿以下文與上文義不相屬故刪

初起時大小不一有點如痲者曰夾疹又一等瑣屑

紅點隱隱肌肉間者曰夾痧皆本方加救苦丹治之

丹症亦然但必正痘悅目可愛方為痧疹之夾不然

皆痘也須詳辨之

又有痘出數顆為夾疹遍身圓淨疎朗顏色紅活補案

圓淨疎朗顏色紅活八字宜置數現三日而盡沒未

沒時雖智者莫辨予曾見此眾醫莫不驚駭予曰疹

也非痘也痘沒必悶亂煩燥此則寧靜且正痘依然

故知其為疹也治以平劑後漸愈焉



點見身熱毒未盡也。補點見字但所感不同有寒氣

外鬱者有熱毒內鬱者兩者俱散之本方加救苦丹

為宜內鬱黃苔加千里馬至色漸焦紫隱隱不出而

身熱壯甚或肌肉腫亮再加賽春雷大發之

見點自汗有生者有死者丹溪謂自汗無妨指形色

善者言也若汗出而形色漸變者必死

凡痘出不快須察時令藥之冬則寒鬱主賽春雷夏

則熱鬱主滿天秋然亦有虛實之辨脣舌滋潤無苔

當從虛治。加減益氣湯溫中益氣湯之類不則以千里馬瀉之

一見點色白不甚起發脣舌淡白或吐或瀉或腹膨

或自汗肢冷神氣怯弱表裏皆虛也治從虛例。加減益氣

湯木香散之類

痘初見人中左右者甚重。所謂梅花叢者是也如粒大色潤者

不妨人中內見多者亦重一見點若臍若肛門四圍

成堆者皆重症也

一初出即發數粒于山根上者重痘纔出而聲變或

焦或啞者尤重出痘數點而面目即腫亮如瓜。惡毒之氣

上浸于口中臭氣勃勃出衝人者其死甚速。補丹臺案有

後必發斑吐血而死八字。

一見痘先于面上。補丹臺玉案面作眉或兩太陽出數粒突起



光亮少頃即沒此賊痘也必死補賊痘詳于續痘科辨要

又有初出愛人入形似好痘也為皮薄光亮一二日即長

大是未至而至未至起脹之期而起脹厲氣使然也

後必變癢塌而死補丹臺玉案有認為順症則斷乎難免十三字

凡患頑瘡未愈或毒新愈補丹臺玉案頑瘡作諸瘡毒毒上有瘡字而見

點者重此陽毒也陽毒者謂諸瘡毒也但瘡不乾紅不枯燥雖

重不死

見點如蛇皮如蠶種如蚊迹蚤斑湯泡火刺青黑藍

斑身如被杖發斑而脣腫口臭鎖項蒙頭斷腰無根

色粉白如枯骨胸高氣喘七孔流血面斜視如橘皮

形色不正而驚狂形色者謂痘之形色并腰腹痛不止者皆不

治

書謂見點吐紫血者不治亦未盡然向吾潘兄女僅

六歲見點兩日夜分嘔紫血數升舉家驚恐即老醫

亦吐舌而去補唐韓愈送窮文曰予細詳之知其非五鬼相與張眼吐舌

毒也大補脾胃而痊何者脣舌滋潤內無毒也非血熱之

症形色兩善外無毒也頂不陷色紅者血去而神寧非氣血之虛也

稟有餘也吾潘兄素患血症此之吐血是子承父餘

遇熱激動故湧而出非毒也誤用犀角解毒得無殞

乎傳云盡信書則不如無書補孟子盡心篇



凡謂斷腰無根必諸痘形色不善方可補丹臺玉案無方可二字

見點三日程法

十神解毒湯 專治身熱腮紅皮焦毛燥點粒煩紅燥渴欲飲睡卧不寧小便赤澁等症丹是雜症又從雜症加減之 主血熱之藥

- 當歸 川芎 生地 赤芍 丹皮 紅花
- 連翹 木通 甘草 桔梗
- 水一鍾竹葉廿箇燈心三十根煎不拘時服
- 見點加減

毒甚綿密加荊芥防風蟬退牛蒡子 身熱壯甚皮急肉緊加葛根前胡地骨皮 顏色煩紅加滿天秋 溺血加犀角山梔仁 溺澁短加車前地膚子 失血乾嘔加犀角熱見愁 便黑加桃仁黃連 便祕加枳殼杏仁蘇梗倍當歸祕而喘者下千里馬腹脹喘滿目怒面浮毛直枯燥加蘇黃下救苦丹 煩渴身熱加天花粉麥冬調滿天秋 紅斑加玄參犀角下熱見愁 夾斑加救苦丹 黑陷毒疔加賽春雷外點四聖散 嘔吐加澤瀉猪苓陳皮黃連 咽痛加玄參麝乾補麝乾當外用吹法 咳嗽加杏



通利金剛正補法

仁桑白皮。泄瀉加猪苓澤瀉。譫語狂亂加石膏。

知母滿天秋。作癢加桂枝。作痛加黃芩防風。

腰痛加羌活獨活。出不快加山查牛蒡蟬退。傷

食腹脹加厚朴山查神麴麥芽。

腹痛有三傷食加和中丸。毒攻冲作疼加救苦丹氣

滯加青皮木香丸。凡補丸恐腹痛便秘俱以千里馬下

之一通即已。不可過過則毒氣內伏反成他症。

眼眶紅腫睛赤流淚加小柴胡膽草熱見愁外行護

眼法。至四五日毒氣盛者加白芷山查筍嘴痘至

四日理該易方若毒甚未除何敢輕易惟加人參四

五分足矣此名喚漿法

凡遇舌苔熱見愁不可缺。有下症千里馬不可缺。有

壅遏救苦丹不可缺。痘欲出不出紫色焦枯黑陷疔

腫賽春雷不可缺。脣舌紅赤二便短少身熱煩渴痘

色煩紅者滿天秋不可缺。大都凡見熱症滿天秋乃

要藥也。

或曰熱見愁千里馬皆苦藥也。予以舌苔用熱見愁

固其宜矣。乃所謂下症者何也。曰為舌苔過甚耳。又

曰有舌苔而作瀉下可乎。曰可。經有之通因通用此

之謂也。



或曰壅遏者謂何曰毒氣壅遏也何驗之曰腹脹喘  
滿目怒面浮毛直皮枯欲出不出蒸蒸然煩翕翕然  
熱是也

滿天秋 自發熱至起脹時有熱症者皆可服

飛滑石二兩石膏煨飛一兩寒水石飛五錢甘草四錢紫草

茜根俱酒洗人中白 紅麴炒各五錢辰砂 鬱金各二錢

共為末燈心湯下

救苦丹 東垣先生謂此方治痘症俱消化便令不出如已出稀者再不生痘雖未盡然但自發熱至見點時服此多獲奇效補消毒救苦散見于蘭室秘藏

防風 羌活 蘇黃根 升麻 生地 連翹

酒柏各五錢 歸身 黃連各三錢 川芎 藁本 柴胡

葛根 酒苓 蒼朮 生甘草 細辛 白朮

陳皮 蘇木 紅花各一錢 吳茱萸五分

共為粗末每煎四五錢空心服

熱見愁 凡見脣燥舌苔即宜與服

燒人糞一兩 黃芩 黃連 黃柏 梔子俱酒浸各五錢

升麻三錢

共為粗末量意入煎藥內同服

千里馬 疎利之劑無舌苔而誤用為害不小



痘疹金鑑

大黃酒浸過 淨蚯蚓兩 紅麴炒 五錢 烏藥 川芎各

共為粗末亦量意入煎藥內同服

賽春雷 治紅紫焦枯或因風寒痘不起發內熱擁甚痘鬱不出凡發熱以至七日前者皆可服

連翹 牛蒡子炒 蘇黃 紫草各一兩 甘草 白附

子 殭蠶酒洗 全蝎酒洗 川山甲炒 蟬退酒洗

三錢 蟾酥一錢

共為末另用蘇黃紫草紅花各一兩水酒各半熬膏再下密一二兩慢火同熬丸前藥如彈子大燈

心湯下

起脹三日口訣

曰起脹是見點已定毒氣盡出時也補曰字本上者

上之氣升則本下者下之血降則血氣定位毒自制

伏成膿矣補丹臺玉若白不泛頂紅不斂窠氣血與

毒混而為一元氣弱邪氣強也苟能察形色驗唇舌

如轉柁迴流補柁者字彙正宋一持而正後

段如破竹矣補晉書杜預傳曰今兵威已振

凡痘出三日後先見者先起脹後見者後起脹根紅

頂白面與目漸浮腫鼻塞流涕毒解口角流涎毒解

起脹三日口訣



兩眼朦朧不欲開順候也。即不然兩腮間有一二起  
脹悅目頂白根紅亦順候也。

凡起脹時色焦紫者毒盛也。形大皮薄而起縐紋者  
毒盛氣虛也。滿頂紅者血滯也。滯者活之。神解毒

功散之類。焦者清之。涼血攻毒飲。桃氣虛毒盛補而兼解  
之。保元湯。合消毒飲。補中益氣類。但面部有一二悅目

可愛。用藥當節。則枯者潤。薄者厚。而生意自沛然矣。  
痘至五日而內外症平定皆起發不退紅正氣虛也。

補丹臺玉案。宜皆以下十一字。作宜該起發。本方倍  
退紅。若不起發不退紅。正氣之虛也。十八字。人參  
加入黃耆。其紅自轉。古人以此為喚漿法。

又四日起發大駛亦非吉兆。何者表虛毒甚也。七日  
後腫退倒靨皆此症之變。遇此須分虛實預防之。遇

者謂起發大駛也。當起脹時有一等光活可愛嬌嫩艷觀。手捺之則破

皮薄也。燈照之如琉璃。漿清也。此假脹也。又名空歡喜。急

救表或可幸活。大保元湯。加丁不則必癢塌而死。  
如五日即帶黃色。此假漿也。補丹臺玉案。五日上有

請以神彩辨之。有神有彩者為真漿。至七八日。膿漿  
者。正漿也。如五日而此則無或補或瀉。惟舌是準。  
帶黃色者。非正漿也。痘出五六日。眼不封鼻不塞而大孔時下氣者逆也。



眼不封者。神散于外。鼻不塞者。氣輕症。無妨。大都痘出六日。而氣血不分。色焦紫。面紅腫。如瓜。而痘伏。或猶烟雲罩定。補烟雲罩定者。幼科準繩所謂罩錦也。初發一片紅色。痘形未見。隱隱在皮下。根盤或紫或黑。如烟霧罩遮山峯。或舌白至脣。脣白。唐司空圖詩曰。荷塘烟罩小齋虛。或曰內潰。或遍發紫泡。或悶亂不寧。叫哭不已。腰腹尤痛。皆死症也。雖然。亦有形色本善。調理失宜。而然者。又有誤餌湯藥。而致者在。醫者之善察耳。補丹臺玉案大

起脹三日程法

加減排膿湯 治血熱痘症。服藥後熱症悉退。內外

和平。惟不易長大者用之。然此雖保和元氣。活血行滯。以助痘成功。如前症未除。還當服十神解毒。不可拘以日程。而遽用此也。慎之慎之。

當歸 川芎 白芍 人參初發有勃勃之勢。以沙參易用亦可。

甘草 陳皮 白芷 山查 木通 桔梗

水一鍾半。黃豆廿一粒。笋嘴五箇。煎服。不拘時。至六日後。當易糯米為引。

起脹加減

色尚煩紅焦紫。加紫草。紅花。調滿天秋。便澁腹膨。脹。加腹皮。厚朴。不甚興發。加蟬退。牛蒡子。皮薄。



平陷加黃耆起發不勻加防風泄瀉加升麻澤瀉嗽加五味麥冬渴亦如之作癢加僵蠶倍赤芍水泡加白朮茯苓毒滯肌肉或風寒阻塞不易起發者加賽春雷發之痰停經絡板硬不灌者加一丸春托之

一丸春痘出七八日不灌漿灰陷癢塌氣虛也古云肺主氣腎藏氣痘以氣為主痘出七日則臟腑元氣盡歷肌表內盡空虛毒易肆虐所以氣不足者為灰陷為癢塌甚則外剝內攻陽氣失衛害至不救先哲于補肺氣詳言之矣而藏氣之元未之

論也夫腎司閉藏腎不守職雖曰補肺而疎泄之患不免氣烏能充乎所藏不理所主必虧且俗醫愛用寒涼不敢用參耆桂附即用不過一錢二錢是猶一杯水救車薪火也補孟子子篇余今師古人遺意肺腎兼治黃耆人參補肺氣衛表肌也熟地淫羊藿枸杞子山萸益腎水端本元也又用山藥甘草紫河車補中壯元氣使毒不中留古云火與元氣不兩立一勝則一負又曰虛則痰凝邪伺虛入用骨餘山柴逐其毒膽星白附花粉天蘇豁其痰丹皮瀉包絡餘熱沈香補命門相火肉桂附子有

言建別在補在錄下



通經行滯之功。辰砂麝香有調血開竅之力。是是症者果。脣舌潔淨不作膿漿服此無不奏績。出予心得當共寶之。

黃耆 人參 熟地 薑汁 紫河車 天花粉 牛膽

山柴 皂莢湯洗淨。蘇油 骨餘 此自落者佳。煨存性。用

者。辰砂 另研 甘草 炙 淫羊藿 酒浸曬乾切碎。羊油拌

用羊油 二兩 枸杞 去梗 山茱肉 膽星 自製 白附子 麩

山藥 炒 丹皮 洗 天蘇 酒浸煨 沈香 肉桂 黑

附子 去皮臍先用薑汁鹽水各半兩加童便。緩煮一時

埋地 各一錢 麝香 另研 分

共為極細末。糯米糊丸。辰砂為衣。如彈子。大。量兒

大小與服用。魯磨下。投托裏湯同服亦可。玉案所

載。與此大異。舉以備參考。一丸春 治一切頂

陷。不貫者。天麻 僵蠶 天花粉 砒 錢 全 蝎

寶 甘草 一草 鎔 二象 皮 烏 光 鎔 三 礞 石 飯 為 丸 如 龍 眼

大。臨。時。酒。漿。化。下。

夫一丸春。行漿之聖藥。六日後有停漿症者。宜用

不可缺。

或曰。毒滯痰停。與風寒之阻塞。有別乎。曰。有渾身

壯熱。形色焦紫。或乾枯。或塌陷。或腫脹。其肉而痘

不起。皆毒滯肌肉也。內外無症。惟痘板硬不起者。



痰停經絡也。板硬不起而復喘，瀯身熱者，風寒阻塞也。

問程法以何為準。曰：以內外為準。以何為治。曰：以平不平為治。內外症平則宜排膿，不宣解毒。內外症不平則宜解毒，不宣排膿。何謂內外。曰：唇舌內也。形色外也。舌苔唇燥內不平也。否則內平形萎，色枯外不平也。否則外平故排膿，一湯為血熱已盡。內外症平惟不易于長大者，設也。

小脹三日程法

補小脹者即起脹也故刪

清熱解毒 查本有牛子升麻

黃連 黃芩 梔子 川芎 各一錢 連翹 八分 木通

白芷 甘草 各五分 燈心引

清熱化斑

黃連 黃芩 升麻 各二錢 黃柏 一錢 好酒煎

三黃解毒湯 清熱涼血 治陽火搏陰血熾為斑

或為青紫者

黃連 丹皮 各二錢 黃芩 升麻 黃柏 梔子 各一錢

錢 赤芍 紫草 各八分 甘草 五分

退毒湯 清熱清燥 血熱之下藥

當歸 赤芍 黃芩 麥冬 大黃 升麻 各一錢



甘草五分

加味四順飲 清熱攻下 內實便秘者凡內熱不  
便者外必乾枯焦紫或只燥糞則外不然以此別  
之陽明裏藥

大黃三錢 芒硝二錢 升麻 甘草各一錢

凡升散之後四日間猶有煩燥悶亂作渴不食脣腫  
腹脹或大便秘澁或瀉清黃水外則乾枯焦紫者  
四五日上用此下之以救陽氣六日上好行補托  
若四五日上便秘失下使熱溼鬱結七日以上定  
作泄瀉而死所謂先結後瀉後結先瀉者也查本

有乾葛白芷

涼膈散

大黃 朴硝 連翹 梔子 黃芩 薄荷各一錢

甘草一分 竹葉入蜜引

咬牙加黃連石膏毒壅山甲麻黃雙解之此火邪  
結實在上而糞澇或泄清黃水者用之又緩下以  
救陰恐驟下陽亦亡耳非陽明本熱之藥也

清熱行溼 凡原有腰疼腹痛而未會泄瀉者此溼  
毒尚有陷于太陰之裏五六日雖便澇不實仍宜  
下之以竭其實溼庶可終吉惟瀉不用也



大黃 升麻 防已 黃柏 甘草 蒼朮加少

水煎服

灌膿三日口訣

痘出七日陰中之陽盡發于外內則空虛所謂界限

血毒三者皆發于皮毛之分則五臟空虛也如鍋中甌內之氣妙不可言

陽起一分陰亦長一分窠粒起一分則根暈亦長一分故其漿宜漸

黃根下紅暈亦宜漸緊如一線周匝不鋪散不灰暗

晝夜痛楚飲食倍常二便少身微微熱吉症也反是

者逆至此而決生死補丹臺玉案惟視血暈聚散膿

色真偽耳寶色燁燁補丹臺玉案寶上有真者手捏

粘絲偽則黃土色聚者氣拘血而化毒也散則氣虛散而無華氣將竭矣血暈全無者死

膿者毒所化也六日後專看膿色故有膿者生無膿

者死使或有或無而根脚不紅或連肉灰紅作癢煩

燥目閉復開作瀉乾嘔不食少睡氣不能拘血化毒

也補丹臺玉案急峻補之倘此時舌見黑苔有刺生

意絕矣不惟不容補即補之何益乎漿行至七日腫

要過頸漿要過胸腫者毒外出也言過胸者從上下

也至陽物亦要灌陽物宗筋之會也兩脚不灌不妨

又兩手臂亦宜滿補滿當不然臨收時必不食而生

痘毒建州已前在案下

二二四



變。手臂脾所主也。補丹臺玉案。漿行至七日以下。分為別條。

痘至七日忽大瀉者氣陷也。氣脫津液下陷也。急以駐公車

補澁之。若漿色正而根血一線緊緊繞定雖瀉無事

漿色不正根盤不化。補丹臺玉案。無根盤不化四字。血散不斂毒在

內也。七日而毒在內如命何。

八九日漿行似足忽眼開而陷毒攻內也。內攻者必悶

亂煩燥根暈飛散。氣脫之候也。若無是而脣舌潔淨本方

加桂附治之。脣燥舌赤本方加苓連解毒治之。

有一等至八九日充實飽滿挨摸不破剔破無膿毒

陷伏也。不可作順痘誤人。賽春雷加本方同服。是正

法也。服此而猶硬無膿根暈不活生意絕矣。然此必

神不內寧神寧痘少不必服藥。補丹臺玉案。神寧上有若字。

灌膿時作癢十常六七并準以脣舌藥之。但爬破作

坑。補保赤全書曰。破如坑者此內陷也。或乾而無水者不治。

痘行漿作痛火熱也。亦吉兆也。丹溪云。諸痛為實是

也。氣滯作痛本方加山查枳殼治之。血熱倍痛。補丹臺玉

案。倍作。本方倍芍藥加生地治之。

八九日寒戰咬牙虛極也。惟峻補而已。異功散建不中湯之類。

止者仍重補之。參附湯之類。此外無治法。若頭搖身戰

目閉無魂者死不治。



又八九日有一等土黃而硬者醫往往作正漿痘目之不知此為陰陽失政其氣血失其守也致漿注于中板膩死塞而黃硬也俗呼曰板黃痘須急審舌救之古人云珠不在大在乎體之明漿不在足在乎色之正土黃者黃而無彩也

又有灌膿充足至九日大便忽欲出不出此陽明血燥也宜本方倍當歸潤之不則靨落之後非滯下必乾熱而死

灌膿發泡氣過盛也本方加白朮茯苓滲泄之擦破水出者敗草散掩之

八九日間最忌皮薄漿清脾胃虛弱也皮薄則嫩而易破漿清則水而不膿夫漿假毒成毒從漿化若此而倖生者未之有也

凡皮薄漿清至九日而燥亂不寧生死可斷矣補丹臺玉

案斷上有週歲半歲者又不必九日補丹臺玉案若

七日而躁亂不寧挨破即乾萬不救一何者痘以七

日為界所謂界限日也七日以前氣血外行七日以後氣血

內入外行時尚不欲留毒矧內入時乎故七日後躁

亂者毒內攻也毒攻內者死

凡灌膿時額上如湯泡皮肉盡赤而乾者死諸痘纔



灌而兩脣先黃硬者死攻也 鬱毒內擦破無膿血者死 擦破而瘡痕隱隱然有生意穢氣觸也不當作死症論補保赤全書曰痘發疹滿面批去而面上瘡痕隱然點點有起發之勢此猶可治急以托裏發毒止痒之藥用內托散加蟬退服之亦驗

灌膿三日程法

加減托裏湯 治實熱之症過服寒涼而變冰硬或嘔瀉或皮薄漿清或塌陷無神血色不活搔癢煩渴凡有此則脣舌必淡白潔淨大便必不牢固延綿不治而腹脹悶亂寒戰鬪牙死不旋踵矣  
黃耆 人參 甘草 肉桂 當歸 白芍 白

芷 木香 陳皮 山藥

水一鍾半糯米一撮煎熟臨服時加人乳半杯酒娘數匙同服

灌膿加減

泄瀉去當歸加升麻訶子肉蔻調銀鎖匙 作嘔加炮乾薑丁香 腹痛加煨乾薑神麴 咳嗽加麥冬五味子煩渴亦然 水泡加防風倍白朮作癢亦然 癢甚外用猪鬃札把輕輕糊之或行燻法亦可 爬爛以松花蕎麥粉掩之 寒戰鬪牙四肢逆冷脣舌淡白加附子 凡皮薄漿清或寒戰鬪牙或泄瀉



水香異攻二散皆可用。

案此即前加減益元湯爲元氣素虛者設此則非也。元氣素虛則火不易動故始終不移若素實而用寒涼以致者是火由寒伏侈行補益則藥不終劑而原本之火又炎炎起矣治者務宜斟酌不嫌一日數復補原本之火將起則復用前之寒涼審察內外而調治之如漿足而不減參耆脣舌紅而不除桂附實實之禍其能免乎夫目盲者肢廢者甚至不待盲廢而先父母以去者誰之咎歟嗚呼醫之任重矣哉吾嘗論醫不難于用藥而難于識症痘兒之症則又

難識大人虛實脉尚足恃痘兒之症其何所恃哉師密示曰六日前後專看脣舌脣舌用藥樞紐也是故有苔者清之下之淡白者溫之補之不苔燥不淡白者平劑調之當此毒盛之後而竟行溫補得無誤乎

托裏行漿 外無鬱滯內無壅陷毒盡熱清但氣虛不漿者

黃耆一錢七分人參一錢甘草五分

托裏清熱 七八日上火毒未解澗而無膿者有鬱有滯氣虛不漿者



人參錢二黃連錢三升麻錢三好酒煎

托裏補中 同升陽補中以參者為君施之于中虛不漿而頂陷者

托裏溫中 陽虛肢厥并寒戰咬牙及四肢不起脹者

人參錢五附子錢三薑棗煎

理中湯 或吃生冷寒涼冰伏或倒靨者

人參錢二白朮錢一乾薑錢一甘草五分泄瀉甚者加

勒寇

托裏攻表 痘滯肌肉不長成漿者

升麻 蘇黃 山甲此方無托裏之味與方名不合恐有誤脫

托裏發表 風寒外襲致痘倒靨者

人參錢三蘇黃錢二附子錢二肉桂錢一甘草七分木香五分

薑棗引

托裏攻下 凡當大長或大長期完痘色灰白形如錫面平塌不起乾涸無漿喉痛聲啞痰壅氣喘口中流涎不斷大瀉不止此緣小長內失下火涸無漿或溼熱失行毒陷不起其根血猶附痘形未剝者并宜大下之但佐以升麻防風輩其大黃用二三錢或五錢七錢取裏症除乃托裏攻表其蘇黃蜜



炒要人四錢更入便附三片加黃柏六七分酒煎  
取外漬成功此瀉乃溼毒內陷而作非由內攻故  
得無死也

托裏燥溼

人參 白朮 茯苓 防風 白芷 蘇黃 山

甲

托裏潤燥

乾枯不潤血枯不漿者生陽補血名四

聖散

人參 臍帶 鹿茸 各五錢 麝香 五釐

共為末以好酒煎升蘇湯服二錢

托裏生血 枯白淡薄血虛不漿者補陽以生之又

名補脾養血

人參 川芎 鹿茸 各一錢 當歸 一錢五分 甘草 三分 水

煎入人乳服

結靨三日口訣

痘至十日毒氣解矣膿亦轉黃色作蒼蠟矣蒼蠟者猶黃老也

也元氣實者靨必循次而結如口角與陽物先結正

收也身漸輕快腫漸消解眼朦朦欲開食倍常便如

故從上至下逐漸收靨結痂後色紅可無慮矣如結

靨時身忽發熱亦不必慮乃蒸漿作靨也保赤全書曰痘既蒼



蠟色。而身有微熱者。乃燒盤之証。亦不必治。

凡一時靨盡或靨即落者。毒火燥也。急宜解之。汪氏解毒

飲。如芩連。柴胡之類。此症必膿未充足。如聲啞煩悶喘促不食。

死期迫矣。即有生者。亦必發癰毒始解。能食者脾胃不虛。故毒不

內攻。在肌肉之間。後必發癰毒。而有得生。

又有當收不收者。痘至十日正結靨之期。靨而不靨。

補期下非氣虛必血熱。氣虛本方加參耆丁桂。血熱

本方加芩連解毒。氣虛血熱視脣舌紅不辨之。亦有

時令致然者。時寒用溫劑以斂之。肉桂乾姜之類時熱用清

劑以解之。黃連山梔之類



